

PRESS CLIPPING

DATE : OCTOBER 1, 2019
MEDIA : HARIAN METRO
SECTION : BISNES
PAGE : 30
COLOUR : FULL COLOUR
EXPOSURE VALUE : TO BE DETERMINED

Selasa 01.10.2019 | Harian Metro

Bisnes



Komited pulih LTAT

Oleh Nabil Basaruddin
nabil.basaruddin@hmetro.com.my

Pengurusan baharu fokus enam teras utama dalam pelan transformasi lima tahun

Kuala Lumpur

Pengurusan baharu Lembaga Tabung Angkatan Tentera (LTAT) komited memperkukuh seterusnya memulihkan tabung khusus untuk Angkatan Tentera Malaysia itu menerusi transformasi merangkumi enam teras utama.

Ketua Pegawai Eksekutifnya, Nik Amlizan Mohamed berkata, teras utama itu adalah visi dan misi baharu LTAT, tadbir urus korporat, pengurusan berkepentingan strategik, meningkatkan pelaburan, memperbaiki infrastruktur dan pengurusan bakat.

Beliau berkata, transformasi itu membabitkan pelan lima tahun dalam memperbaiki dan memulihkan kembali pengurusan tabung itu khususnya dari segi tadbir urus korporatnya.

Menurutnya, pelbagai usaha perlu dilaksanakan bagi memastikan segala tindakan, dapat memberi pulangan kepada ahli yang terdiri daripada kalangan petugas tentera di negara ini.

"Bagi melicinkan lagi kecekapan tabung ini, kami buat pertama kali akan mewujudkan Jabatan Perundangan dan Kesetiausahaan, Jabatan Sumber Manusia dan melantik Ketua Pegawai Pelaburan.

"Sebelum kami memberi penumpuan terhadap pelaburan dalam mahupun luar negara, perkara utama perlu dilakukan adalah untuk memperbaiki keadaan tadbir urus ini.

"Seferusnya kami akan melihat peruntukan aset strategik dan perkara lain seperti pelaburan bagi hasil lebih baik kepada ahli LTAT," katanya pada sidang media pengumuman prestasi kewangan 2018 bagi LTAT di sini, semalam.

Hadir sama, Pengerusi LTAT, Jeneral Tan Sri Dr Mohd Zahidi Zainuddin.

LTAT merekodkan pendapatan bersih (belum diaudit) sebanyak RM221 juta bagi tahun kewangan berakhir 31 Disember 2018 yang menyaksikan penurunan ketara 51.9 peratus berbanding RM459.5 pada 2017.

Selain itu, LTAT mencatatkan keuntungan RM38.7 juta bagi tahun kewangan sama berbanding kerugian berjumlah RM170.8 juta pada 2017.

Setakat 31 Disember 2018, aset di bawah pengurusan LTAT berjumlah RM9.4 bilion.

Sementara itu, Mohd Zahidi mengumumkan dividen dua peratus untuk ahlinya bagi tahun kewangan berakhir 2018, dengan jumlah agihan RM161.2 juta yang akan diagihkan kepada ahli, minggu ini.

Beliau berkata, penurunan ketara pendapatan LTAT bagi tahun kewangan 2018 disebabkan pelbagai faktor sejak dua tahun kewangan lalu.

"LTAT kini berada di bawah pengurusan baharu dan percaya pelan transformasi akan meletakkan LTAT dalam kedudukan lebih baik bagi memanfaatkan peluang pelaburan menguntungkan, seterusnya memberi nilai terbaik kepada ahli," katanya.



NIK Amlizan